



СОНГИНОХАЙРХАН ДҮҮРГИЙН
ИРГЭДИЙН ТӨЛӨӨЛӨГЧДИЙН ХУРЛЫН
ТОГТООЛ

2024 оны 12 сарын 27 өдөр

Дугаар 12

Улаанбаатар хот

Дүүргийн Засаг даргын 2024-2028 оны
үйл ажиллагааны хөтөлбөр батлах тухай

Монгол Улсын Үндсэн хуулийн жаран хоёрдугаар зүйлийн жаран хоёрын нэг дэх хэсэг, Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 35 дугаар зүйлийн 35.1.5 дахь заалт, 48 дугаар зүйлийн 48.1 дэх хэсгийг тус тус үндэслэн Сонгинохайрхан дүүргийн иргэдийн Төлөөлөгчдийн Хурлаас ТОГТООХ нь :

1. Сонгинохайрхан дүүргийн Засаг даргын 2024-2028 оны үйл ажиллагааны хөтөлбөрийг хавсралт ёсоор баталсугай.

2. Үйл ажиллагааны хөтөлбөрийн зорилт тус бүрийн суурь үзүүлэлтийг хүрсэн түвшинтэй харьцуулан, биелэлтийг тайлагнаж, түүнд хяналт шинжилгээ, үнэлгээ хийсэн дүгнэлтийн хамт жил бүрийн 6, 12 дугаар саруудад дүүргийн иргэдийн Төлөөлөгчдийн Хурлын хуралдаанд өргөн барьж, хэлэлцүүлэхийг дүүргийн Засаг дарга (Ц.Баттөр)-д даалгасугай.


3. Дээрх хөтөлбөрийн зорилт тус бүрийн хэрэгжилтийг газар дээр нь шалган, үр дүнг тооцон дүгнэж, хэрэгжилт хангалтгүй байгаа зорилт, арга хэмжээг эрчимжүүлэх зохион байгуулалтын арга хэмжээ авч ажиллахыг дүүргийн иргэдийн Төлөөлөгчдийн Хурлын Зөвлөл, Хурлын хороодод даалгасугай.

ДАРГА



Б.ЗОЛБОО

Сонгинохайрхан дүүргийн иргэдийн Төлөөлөгчдийн
Хурлын 2024 оны 12 дугаар сарын 27-ны өдрийн
.....12.....дугаар тогтоолын хавсралт



**НИЙСЛЭЛИЙН СОНГИНОХАЙРХАН ДҮҮРГИЙН ЗАСАГ ДАРГЫН
2024-2028 ОНЫ ҮЙЛ АЖИЛЛАГААНЫ ХӨТӨЛБӨР**

НЭГ. БҮСЧИЛСЭН ХӨГЖЛИЙН БОДЛОГО

1.1. Хот, суурин газрын иргэдийн ая тухтай, аюулгүй орчинд амьдрах нөхцөлийг бүрдүүлнэ.

1.1.1. "Нэг төвт хотоос олон төвт хот"-ын тогтолцоог бүрдүүлж Нийслэл Улаанбаатар хотод шинээр байгуулах орон нутгийн зэрэглэлтэй Сонгинохайрхан, Толгойт, Баянхошуу, Өнөр хотуудын хэсэгчилсэн ерөнхий төлөвлөгөөний дагуу хөгжүүлэх ажлыг эхлүүлнэ.

1.1.2. Баянхошуу, Толгойт дэд төвийн бүтээн байгуулалтыг үргэлжлүүлнэ.

1.1.3. "Баянголын ам түрээсийн орон сууцны хороолол барих төсөл"-ийн барилга угсралтын ажлыг эхлүүлнэ.

1.1.4. Нийтийн зориулалттай орон сууцны цахилгаан шат, дээврийг шинэчилж, иргэдийн ая тухтай аюулгүй орчинд амьдрах нөхцөлийг бүрдүүлнэ.

1.1.5. Орон сууцны барилгын дулаан алдагдлыг бууруулах ажлыг үе шаттай хэрэгжүүлнэ.

1.1.6. Ашиглалтын шаардлага хангахгүй орон сууцыг дахин төлөвлөн барилгажуулна.

1.2. Дэд бүтцийн хангамжийн эх үүсвэр, авто зам, замын байгууламж, гэрэлтүүлэг, инженерийн шугам сүлжээний хүчин чадал, нийтийн тээврийн хүртээмжийг нэмэгдүүлж, түгжрэлийг бууруулна.

1.2.1. Гэр хорооллын цахилгаангүй болон хүчдэлийн уналттай айл өрхийн цахилгаан хангамжийг нэмэгдүүлж, эрчим хүчний найдвартай эх үүсвэрт холбоно.

1.2.2. Хотын хөдөлгөөний эрчим их гол гудамж замуудын уулзваруудад олон түвшний огтлолцол бүхий авто зам барих ажлыг үргэлжлүүлнэ.

1.2.3. Тээврийн хэрэгслийн давхар зогсоолыг төр хувийн хэвшлийн түншлэлээр хамтын санхүүжилт, менежментийн зарчмаар барьж байгуулан, авто зогсоолын хүртээмжийг нэмэгдүүлнэ.

1.2.4. Орон сууцны хорооллын доторх хатуу хучилттай авто замын засвар шинэчлэлтийг нэмэгдүүлнэ.

1.2.5. Баруун бүсийн зам засвар арчлалт хариуцсан ОНӨААТҮГ байгуулж, үйл ажиллагааг жигдрүүлнэ.

1.2.6.Авто зам, замын байгууламжийг ус зайлуулах инженерийн шугам сүлжээтэй барьж байгуулан, тэмдэг тэмдэглэгээ, хурд сааруулагчийг нэмэгдүүлнэ.

1.2.7.Гэр хорооллын авто замуудын нөхцөлийг сайжруулна.

1.2.8.Явган зорчигчийн аюулгүй байдлыг хангах, авто замын түгжрэлийг бууруулах зорилгоор шаардлагатай байршлуудад нүхэн болон гүүрэн гарц байгуулна.

1.2.9.Нийтийн эзэмшлийн гудамж талбай, гэр хорооллын гудамжийг бүрэн гэрэлтүүлэгтэй болгоно.

1.2.10.Үерийн болон булаг шандын ус, хөрсний ус нэвчилтээс хамгаалсан далан суваг, ус зайлуулах инженерийн шугам сүлжээний өргөтгөл шинэчлэлтийн ажлыг хэрэгжүүлнэ.

1.2.11.Зөөврийн ус түгээх байруудыг төвлөрсөн шугам сүлжээнд холбох, ухаалаг төхөөрөмж суурилуулах, гүний худгийг тоолууржуулж, усны алдагдлыг бууруулна.

1.2.12.Нийтийн тээврийн хүртээмжгүй бүсэд том болон дунд оврын автобусны үйлчилгээг нэвтрүүлнэ.

1.3.Газар зохион байгуулалттай холбоотой хууль, тогтоомжийн хэрэгжилтийг хангуулна.

1.3.1.Газар зохион байгуулалтын төлөвлөгөөг жил бүр боловсруулан батлуулж, хэрэгжилтийг ханган ажиллана.

1.3.2.Эзэмшил газраа 2 жил дараалан ашиглаагүй иргэн, хуулийн этгээдийн газар эзэмших, ашиглах эрхэнд хяналт тавьж газар эзэмших, ашиглах эрхийг хүчингүй болгож дахин хуваарилалтад оруулна.

1.3.3.Бүтээн байгуулалт болон эрсдэл бүхий байршилд газрыг чөлөөлж, шаардлагатай нөхцөлд нөхөн олговор олгоно.

ХОЁР. ХҮНИЙ ХӨГЖЛИЙН БОДЛОГО

2.1.Эрүүл мэндийн тусламж үйлчилгээг өргөжүүлэх, эмнэлгийн тоног төхөөрөмжийг нэмэгдүүлэх замаар хүн амын эрүүл мэндийг хамгаалах, өвчлөл, эндэгдлийг бууруулах, эмч, эмнэлгийн мэргэжилтнүүдийг чадавхжуулан, тусламж, үйлчилгээний чанар хүртээмжийг нэмэгдүүлнэ.

2.1.1.Иргэдэд үзүүлэх эрүүл мэндийн тусламж үйлчилгээний чанар хүртээмжийг сайжруулж, олон улсын стандартад нийцсэн тоног төхөөрөмжөөр ханган, барилга байгууламжийг нэмэгдүүлнэ.

2.1.2.Нийгмийн эрүүл мэндийн төвийг байгуулан, Эрүүл мэндийн нийгмийн ажилтнуудыг чадавхжуулж, хүний эрүүл мэндэд сөрөг нөлөө үзүүлэх эрсдэлийн судалгааг мэргэжлийн байгууллагатай хамтран хийж, хариу арга хэмжээг хэрэгжүүлнэ.

2.1.3.Иргэдийн эрүүл мэндийн боловсролыг нэмэгдүүлэх, эрт илрүүлэг, урьдчилан сэргийлэх үзлэгийг эрчимжүүлэх төсөл арга хэмжээг хэрэгжүүлж, өвчлөл, эндэгдлийг бууруулна.

2.1.4.Эрүүл мэндийн байгууллагын эмч, эмнэлгийн мэргэжилтнүүдийг чадавхжуулах, тогтвортой ажиллах нөхцөл, боломж, нийгмийн баталгааг хангахад дэмжлэг үзүүлнэ.

2.1.5.Анхан шатны эрүүл мэндийн байгууллагын үйл ажиллагаанд дэмжлэг үзүүлж, яаралтай тусламж үзүүлэх чадавхыг нэмэгдүүлнэ.

2.1.6.Халдварт өвчнөөс сэргийлэх, илрүүлэх, эмчлэх үйл ажиллагааг сайжруулах “Халдварт өвчинтэй тэмцэх, сэргийлэх” төсөл, арга хэмжээг хэрэгжүүлнэ.

2.2.Орон нутгийн онцлогт нийцсэн зохистой хөдөлмөр эрхлэлтийг нэмэгдүүлж, халамжаас хөдөлмөрт бодлогыг үргэлжлүүлнэ.

2.2.1.“Хүн амын чанартай, хүртээмжтэй хөдөлмөр эрхлэлтийг дэмжих, хөдөлмөрийн аюулгүй байдлыг хангах” төсөл, арга хэмжээг хэрэгжүүлнэ.

2.2.2.Шинээр байгуулагдах хотуудын онцлогт нийцсэн худалдаа үйлчилгээний борлуулалтын цэгийг төрөлжүүлэн бий болгож, жижиг дунд үйлдвэрлэл эрхлэгчид, зорилтот бүлэгт чиглэсэн ажлын байрыг нэмэгдүүлнэ.

2.2.3.Төрийн зарим ажил үйлчилгээг төрийн бус олон улсын байгууллагыг түшиглэн хэрэгжүүлж, халамжаас хөдөлмөрт бодлогыг үргэлжлүүлнэ.

2.2.4.Хөгжлийн бэрхшээлтэй иргэдийг нийгмийн харилцаанд тэгш, хүртээмжтэй оролцох боломжийг нэмэгдүүлэх, эерэг хандлагыг түгээх, шинээр ашиглалтад орж буй барилга байгууламж, явган хүний зам, гэрлэн дохиог хотын стандартад нийцүүлнэ.

2.2.5.Ахмадын хөгжлийн төвүүдийг байгуулан, “Ахмад настны хөгжлийг дэмжих” төсөл хэрэгжүүлнэ.

2.2.6.Иргэдийн нийгмийн даатгалын үйлчилгээнд хамрагдалтыг нэмэгдүүлнэ.

2.3.Багш, суралцагчийн хөгжлийг дэмжин чадавхжуулж, хүүхэд бүрд чанартай боловсролыг тэгш, хүртээмжтэй хүргэн, сургалтын байгууллагын орчныг сайжруулна.

2.3.1.Сургууль, цэцэрлэгийн хүртээмжийг нэмэгдүүлж, хүүхдэд ээлтэй эрүүл аюулгүй орчинд сурч, хөгжих нөхцөлийг бүрдүүлж, сургуулийн ээлж, цэцэрлэгийн анги дүүргэлтийг стандартын түвшинд хүргэнэ.

2.3.2.Багшийн хөгжлийг дэмжих, гүйцэтгэлийн үнэлгээг ахиулах үйл ажиллагааг зохион байгуулж, тогтвортой ажиллах нөхцөл, боломж, нийгмийн баталгааг хангахад дэмжлэг үзүүлнэ.

2.3.3.Сургууль, цэцэрлэгийн хүүхдийн хоолны орц найрлага, аюулгүй байдлыг хангуулах, сүү, сүүн бүтээгдэхүүнийг нэмэлтээр олгох арга хэмжээг хэрэгжүүлнэ.

2.3.4.Хүүхдэд суурь дадал хэвшил, бие даан суралцах чадавх эзэмшүүлэх, хүүхдийн хөгжил, хамгаалал, сургалтын чанарыг дээшлүүлэн мэргэжил сонголтыг оновчтой болгох “Боловсрол” төслийг хэрэгжүүлнэ.

2.3.5.Ерөнхий боловсролын сургуульд төрөлжсөн болон олон улсын сургалтын хөтөлбөрийг хэрэгжүүлж, үйл ажиллагааг өргөжүүлнэ.

2.3.6.Тусгай хэрэгцээт хүүхдэд зориулсан сургалтын үйл ажиллагааг дэмжинэ.

2.3.7.Насан туршийн суралцахуйн төвийн материаллаг бааз, сургалтын хүртээмжийг нэмэгдүүлж, сургууль завсардалтыг бууруулан, иргэдэд амьдрах ухааны олон талт сургалтыг зохион байгуулна.

2.4.Олон нийтэд чиглэсэн нийтийн биеийн тамир, спортоор хичээллэх орчин, нөхцөлийг нэмэгдүүлэн, биеийн тамир, спортын үйлчилгээний чанар, хүртээмжийг сайжруулна.

2.4.1.Төр, хувийн хэвшлийн хамтын ажиллагааны хүрээнд нийтийн биеийн тамир, спортыг хөгжүүлэх, хөдөлгөөний дутагдлаас сэргийлэх арга хэмжээг зохион байгуулна.

2.4.2.Дүүргийн Засаг даргын дэргэдэх өсвөрийн шигшээ багийн үйл ажиллагааг өргөжүүлэн, тамирчдын ур чадварыг дээшлүүлэн, олон улсын чанартай уралдаан, тэмцээнүүдэд оролцоход дэмжлэг үзүүлнэ.

2.4.3.Өвлийн спортын ордон, усан спорт сургалтын төв, хөл бөмбөгийн талбай бүхий спорт цогцолборуудыг ашиглалтад оруулна.

2.5.Иргэдийн соёлын боловсролыг нэмэгдүүлэн, соёл, урлагийн үйл ажиллагааг хүртээмжтэй хэлбэрээр зохион байгуулж, түүх, соёлын дурсгал, өвийг хадгалж, хамгаалах, илрүүлэх, өвлүүлэх, сурталчлах ажлыг эрчимжүүлнэ.

2.5.1.Шинээр байгуулагдах хотуудад соёлын орон зай бүхий соёл, урлагийн олон төрөлт үйлчилгээтэй төвүүдийг бий болгож хүртээмжийг нэмэгдүүлнэ.

2.5.2.Түүх, соёлын үл хөдлөх дурсгалын хадгалалт хамгаалалтыг сайжруулж, соёл амралт, аялал жуулчлалын бүс болгон хөгжүүлнэ.

2.5.3.Уламжлалт өв соёл, зан заншлаа сурталчлан таниулах, биет болон биет бус өвийг илрүүлэх, өвлүүлэх, алдаршуулах ажлыг зохион байгуулна.

2.5.4.“Иргэдийн соёлын боловсролыг дээшлүүлэх төсөл-2”-ыг боловсруулан хэрэгжүүлнэ.

2.6.Хүүхэд, гэр бүлд чиглэсэн үйл ажиллагааг бүх шатанд зохион байгуулж, хөгжил хамгааллын үйлчилгээний чанар, хүртээмжийг нэмэгдүүлэн, нэг цэгийн үйлчилгээний төвүүдэд гэр бүлийн хөгжлийг дэмжих үйлчилгээг бий болгоно.

2.6.1.Хүүхэд, гэр бүлд чиглэсэн үйл ажиллагааг бүх шатанд зохион байгуулж, хөгжил хамгааллын үйлчилгээний чанар, хүртээмжийг нэмэгдүүлэх төсөл, арга хэмжээг хэрэгжүүлнэ.

2.6.2.“Түр хамгаалах байр”-ны үйл ажиллагааг дэмжиж, гэр бүлийн хүчирхийллийн хохирогч хүүхэд, эмэгтэйчүүдэд хамгаалах, нөхөн сэргээх үйлчилгээг хувийн хэвшлийн байгууллагуудтай хамтран үзүүлнэ.

2.6.3.Залуучуудын хөгжлийг дэмжих, өсвөр үе, залуучуудад амьдрах ухааны чадвар эзэмшүүлэх, чадавхжуулах, хөгжүүлэх чиглэлээр төсөл хэрэгжүүлнэ.

2.6.4.Залуучуудын хөгжлийн үйлчилгээний төвийг байгуулж, залуу гэр бүлийг дэмжиж ажиллана.

2.7.Иргэдэд жендэрийн боловсрол олгох төсөл, арга хэмжээг хэрэгжүүлж, жендэрийн мэдрэмжтэй ажлын байрны бодлогыг хэрэгжүүлнэ.

2.7.1.“Жендерийн эрх, тэгш байдлыг хангах” дүүргийн төслийг төр, хувийн хэвшил, иргэний нийгмийн байгууллагын оролцоо, салбар хоорондын уялдааг ханган хэрэгжүүлнэ.

2.7.2.“Эрэгтэй, эмэгтэй хүний дундаж наслалтын зөрүүг арилгах” стратеги төлөвлөгөөг орон нутгийн онцлогт нийцүүлэн хэрэгжүүлнэ.

ГУРАВ. ЭДИЙН ЗАСГИЙН БОДЛОГО

3.1.Орон нутгийн төсвийн орлого, зарлага, хөрөнгө оруулалтыг үр ашигтай төлөвлөж, ил тод мэдээлнэ.

3.1.1.Дүүргийн татвар ногдуулах, хураах үйл ажиллагааг иргэн, хуулийн этгээдэд хүртээмжтэй байдлаар технологийн дэвшил ашиглан нэмэгдүүлэх, татварын үйлчилгээг цахимжуулах, цахим татвар хураалтын орлогын хэмжээг нэмэгдүүлнэ.

3.1.2.Татварын тайлагналт, хураалт, хөнгөлөлт, чөлөөлөлттэй холбоотой мэдээ мэдээллийг иргэд, татвар төлөгчдөд уламжлалт болон олон нийтийн мэдээллийн хэрэгслээр түгээж, татварын үйлчилгээг татвар төлөгчдөд хүртээмжтэй, ил тод байдлаар хүргэж, татварын бааз суурийг нэмэгдүүлнэ.

3.1.3.Төсвийн ерөнхийлөн захирагчийн эрхлэх асуудлын хүрээний байгууллагуудын “Шилэн дансны тухай хууль”-ийн хэрэгжилтэд хяналт тавьж төсөв, санхүүгийн ил тод байдлыг хангуулна.

3.1.4.Төсвийн хөрөнгийн санхүүжилт, зарцуулалт түүний үр ашигтай байдалд хяналт тавьж, санхүү тайлан бүртгэлийн стандарт, санхүүгийн сахилга бат, санхүүгийн ажилтнуудын мэдлэг ур чадварыг дээшлүүлэх арга хэмжээг зохион байгуулна.

3.1.5.Төсвийн төлөвлөлтөд иргэд, олон нийтийн оролцоог нэмэгдүүлж, саналыг тусган боловсруулж, төсвийн төлөвлөлт, гүйцэтгэл, хэрэгжилт, үр дүнг иргэд, олон нийтэд ил тод мэдээлнэ.

3.1.6.Дүүргийн хог хаягдал, нийтийн эзэмшлийн зам талбай, ногоон байгууламж, тохижилтын менежментийг сайжруулан төр, хувийн хэвшлийн түншлэлийн хүрээнд нутгийн захиргааны байгууллагуудын зарим чиг үүргийг хувийн хэвшилд үе шаттайгаар шилжүүлнэ.

3.1.7.Орон нутгийн өмч, эд хөрөнгийн бүрэн бүтэн байдлыг ханган, удирдлагын менежментийг сайжруулж, өмчийн ашиглалтын үр ашгийг нэмэгдүүлэх арга хэмжээг холбогдох хууль, тогтоомжийн хүрээнд хэрэгжүүлнэ.

3.2.Дүүрэгт үйл ажиллагаа явуулж байгаа үйлдвэрүүдийг инновац нэвтрүүлэхэд дэмжлэг үзүүлж, хамтран ажиллана.

3.2.1.Бичил, жижиг, дунд үйлдвэрлэлийг хөгжүүлэх, бүтээгдэхүүнийг нэмэгдүүлэх, үйлчилгээ эрхлэгчдийн өрсөлдөх чадварыг дээшлүүлж, үйлдвэрлэл, борлуулалтыг нэмэгдүүлэхэд дэмжлэг үзүүлнэ.

3.2.2.Бичил, жижиг, дунд үйлдвэр эрхлэгчдийн бараа бүтээгдэхүүнийг гадаад, дотоодын зах зээлд сурталчлан таниулах, үйлчилгээний салбар бүрийн онцлогтой уялдуулан төрөлжсөн сургалт, бизнесийн зөвлөх үйлчилгээний ажлыг мэргэжлийн байгууллагуудтай хамтран зохион байгуулна.

3.3.Аялал жуулчлалын бүтээгдэхүүн үйлчилгээг нэмэгдүүлж, үйлчилгээний байгууллагуудын стандартыг мөрдүүлнэ.

3.3.1.Худалдаа, үйлчилгээ, аялал жуулчлалын зориулалт бүхий төрөлжсөн гудамжийг байгуулж, жижиг дунд бизнес эрхлэгчдийг дэмжин ажиллана.

3.3.2.Дүүрэгт үйл ажиллагаа явуулж буй зочид буудал, дэн буудал, амралтын газар, жуулчны баазуудын стандартыг хангуулна.

3.4.Хүнс, хөдөө аж ахуйн салбарыг хөгжүүлж, хүнсний бүтээгдэхүүний чанар, аюулгүй байдлыг хангуулах хяналтыг сайжруулна.

3.4.1.Дүүргийн нутаг дэвсгэрт худалдаа, үйлдвэрлэл, үйлчилгээ эрхэлдэг иргэн, аж ахуйн нэгж байгууллагад салбарын хууль тогтоомж түүнтэй нийцүүлэн төрөөс гаргасан журам, холбогдох стандартын хэрэгжилтийг хангуулна.

3.4.2.Хүнсний бүтээгдэхүүний сав баглаа боодлын стандартын хэрэгжилтийг хангуулахад мэргэжлийн байгууллагуудтай хамтран ажиллана.

3.4.3.Хүнсний бүтээгдэхүүний үйлдвэрлэл, хадгалалт, тээвэрлэлт, үйлчилгээний стандартыг хангуулж иргэдийг эрүүл аюулгүй хүнсээр хангагдах нөхцөлийг бүрдүүлнэ.

3.4.4.“Хүнсний хангамж аюулгүй байдал” үндэсний хөтөлбөрийн хэрэгжилтийг хангуулан, хоол хүнсний зөв зохистой, соёлтой хэрэглээний талаар сургалт, сурталчилгааны ажлыг зохион байгуулна.

3.4.5.Газар тариалан, өвлийн хүлэмжийн аж ахуйн тариалалтыг кластераар хөгжүүлэхэд дэмжлэг үзүүлнэ.

3.4.6.Мал, амьтны гоц халдварт, халдварт, шимэгчтэх, халдваргүй өвчнөөс урьдчилан сэргийлэх ажлуудыг зохион байгуулж, дүүргийн нутаг дэвсгэрт мал, амьтны өвчлөлийн эрсдэлийг бууруулна.

3.4.7.Эрчимжсэн мал аж ахуйн чиглэлээр малын үүлдэр угсааг сайжруулж, сүүний үхрийн аж ахуйг кластерийн системээр хөгжүүлэх менежментийг төр хувийн хэвшлийн түншлэлээр хийнэ.

ДӨРӨВ. НОГООН ХӨГЖЛИЙН БОДЛОГО

4.1.Тохижилт, ногоон байгууламжийг нэмэгдүүлж, байгаль орчныг хамгаалах, нөхөн сэргээх, орчны бохирдол доройтлыг бууруулж, иргэдийн аюулгүй байдлыг хангана.

4.1.1.Тохижилт бүхий бүтээн байгуулалтын ажлыг үе шаттайгаар нэмэгдүүлж, иргэдийн ая тухтай амьдрах орчин нөхцөлийг сайжруулна.

4.1.2.Шинээр байгуулах тоглоомын талбайг стандарт шаардлагад нийцүүлж, засвар үйлчилгээг тогтмолжуулан хүүхдэд аюулгүй орчныг бүрдүүлнэ.

4.1.3.Нийтийн эзэмшлийн талбай, явган хүний замыг нэмэгдүүлэн сул шороон хөрс бүхий талбайн хэмжээг бууруулна.

4.1.4.“Тэрбум мод” үндэсний хөдөлгөөнийг үргэлжлүүлнэ.

4.1.5.Суурьшлын бүсийн ногоон байгууламжийг нэмэгдүүлэн бичил цэцэрлэгт хүрээлэнг байгуулж, иргэдийн ая тухтай амрах нөхцөлийг бүрдүүлнэ

4.1.6.Хөв цөөрөм, усан сан байгуулж, ногоон байгууламжийг нэмэгдүүлнэ.

4.1.7.Хаягдал ус дахин боловсруулах, цэвэрлэсэн усыг дахин ашиглах үйл ажиллагааг хувийн хэвшилтэй хамтран хэрэгжүүлнэ.

4.1.8.Иргэн аж ахуй нэгж байгууллагын ногоон байгууламж нэмэгдүүлэх санал санаачилгыг дэмжиж, урамшуулах журам боловсруулж хэрэгжүүлнэ.

4.1.9.Түгээмэл тархацтай ашигт малтмалын хайгуул, олборлолтыг суурьшлын бүсэд хязгаарлан, биологийн болон техникийн нөхөн сэргээлтийг хийлгэнэ.

4.1.10.Ногоон байгууламжийг нэмэгдүүлэх зорилгоор мод үржүүлгийн газрын үйл ажиллагааг өргөжүүлэн, хувийн хэвшлийн байгууллагыг дэмжин ажиллана.

4.2.Агаар, орчин бохирдуулагч эх үүсвэрийг бууруулж, байгальд ээлтэй хэрэглээг нэмэгдүүлнэ.

4.2.1.Айл өрхийн дулаан хангамжийг төвлөрсөн дулаан, хий, сэргээгдэх эрчим хүч болон цахилгаан хангамжид үе шаттай шилжүүлж, дулаан алдагдлыг бууруулна.

4.2.2.Төвлөрсөн дулаан хангамжийн системд холбогдох боломжгүй гэр хорооллын айл өрхүүдэд 5кВт-ын суурилагдсан хүчин чадалтай нарны цахилгаан эх үүсгүүр суурилуулж, агаар хөрсний бохирдлыг бууруулна.

4.2.3.Агаарын бохирдлын хүний эрүүл мэнд, хүрээлэн буй орчинд үзүүлэх хор уршиг, түүнийг бууруулах, угаарын хий, угаарын хийн хордлогоос урьдчилан сэргийлэх арга хэмжээг хэрэгжүүлж, сайжруулсан шахмал түлшний хэрэглээг бууруулна.

4.3.Хөрсний бохирдлыг бууруулах ажлыг иргэдийн оролцоотой хамтран санал санаачилга гарган ажиллана.

4.3.1.Хөрсний бохирдлыг бууруулах олон талт арга хэмжээг зохион байгуулна.

4.3.2.Гэр хорооллын 20,000 айл өрхийн ариун цэврийн байгууламжийг сайжруулах төсөл хэрэгжүүлнэ.

4.4.Хог хаягдлыг ангилан ялгах, дахин боловсруулах, эдийн засгийн эргэлтэд оруулах төсөл хөтөлбөрийг хэрэгжүүлж, орчны бохирдлыг бууруулах эрүүл аюулгүй орчин нөхцөлийг бүрдүүлнэ.

4.4.1.Хог хаягдлыг ангилан ялгах, дахин боловсруулах, цуглуулах, тээвэрлэх эдийн засгийн эргэлтэд оруулахад төр хувийн хэвшлийн хамтын ажиллагааг өргөжүүлнэ.

4.4.2.Гудамж талбайн цэвэрлэгээ, хог хаягдлыг ачиж цуглуулах үйлчилгээнд тусгай зориулалтын техник, тоног төхөөрөмжөөр парк шинэчлэлийг нэмэгдүүлнэ.

4.4.3.Хог хаягдлыг хүлээн авч ангилан ялгах төсөл хөтөлбөрийг хэрэгжүүлж, дундын бичил төвүүдийг ажиллуулан хог хаягдлыг цуглуулах далд бункерийн технологийг үе шаттай нэвтрүүлж, нийтийн эзэмшлийн гудамж, зам талбайг арчлах хамгаалах иргэдийн бүлгийг ажиллуулна.

4.4.4.Хог хаягдлыг эх үүсвэр дээр ангилан ялгах хандлагыг олон нийтийн оролцоотой хэрэгжүүлж, ил задгай орчинд хог хаяхгүй байх дадал зуршлыг өөрчлөн орчны бохирдлыг бууруулна.

4.4.5.Хог хаягдлын үйлчилгээний төлбөр, хураамж төлөх нээлттэй ил тод хялбаршуулсан цахим системийг нэвтрүүлж, зуслангийн хог хаягдлыг цуглуулж тээвэрлэх журмыг боловсруулж батлуулна.

ТАВ. ЗАСАГЛАЛЫН БОДЛОГО

5.1.Засаглал, цахим шилжилтийн шинэчлэлийг хэрэгжүүлнэ.

5.1.1.Засаг захиргааны нэгжийн удирдлагын хувьд эрх мэдэл, төсөв санхүүгийн хувьд нэгдмэл удирдлага бүхий дүүрэг, 43 хороог 4 хот, 14 хороолол, 1 дагуул хот болгож өөрчлөх хууль тогтоомжийг хэрэгжүүлэх ажлыг зохион байгуулна.

5.1.2.Төрийн үйлчилгээг иргэнд хурдан, шуурхай хүргэж, шийдвэр гаргах үйл явцыг нээлттэй ил тод болгон үйл ажиллагааны үр дүн, бүтээмжийг дээшлүүлнэ.

5.1.3.Төлөвлөлт, гүйцэтгэл, хяналтын тогтолцоог бүрдүүлэх зорилтот төслийг хэрэгжүүлж, зөвшөөрлийн үйл ажиллагааг цахимжуулах ажлыг зохион байгуулна.

5.1.4.Төрийн албан хаагчийн чиг үүрэг, зохион байгуулалтын бүтцийг оновчтой тодорхойлж, гүйцэтгэлийн үнэлгээ, чадахуйн зарчимд суурилсан төрийн албыг бэхжүүлнэ.

5.1.5.Төрийн албан хаагчийн нийгмийн баталгааг хангах, тасралтгүй хөгжүүлж сургах, ажиллах нөхцөл орчныг сайжруулах, техник тоног төхөөрөмжийн хүртээмжийг нэмэгдүүлэх зорилтот "Хүний нөөцийн хөгжил, нийгмийн баталгааны төсөл"-ийг хэрэгжүүлнэ.

5.1.6.Төрийн албаны гүйцэтгэх болон удирдах албан тушаалтанд ёс зүйн зөрчил, авлигын эсрэг сургалт, нөлөөллийн арга хэмжээ зохион байгуулж, авлига, албан тушаалын гэмт хэргээс урьдчилан сэргийлэх, энэ төрлийн гэмт хэрэгтэй тэмцэх бодлого, хууль тогтоомжийн хэрэгжилтийг хангаж ажиллана.

5.1.7.Авлига, ашиг сонирхлын зөрчлөөс ангид байх хандлагыг төлөвшүүлэхэд чиглэсэн арга хэмжээг зохион байгуулан иргэдийн оролцоог нэмэгдүүлнэ.

5.1.8.Орон нутгийн өмчит хуулийн этгээдийн засаглал, ил тод байдлыг сайжруулна.

5.1.9.Техник технологийн дэд бүтцийг сайжруулж, мэдээ мэдээллийн ил тод байдлыг нэмэгдүүлэн иргэдийн мэдэх эрхийг хангана.

5.1.10.Нутгийн захиргааны байгууллагаас иргэн, хуулийн этгээдэд үзүүлж буй үйлчилгээг цахимжуулан “ХУРДАН ЦЭГ”-ийн хүртээмж, “E-MONGOLIA” портал сүлжээний хэрэглээг олон нийтэд сурталчилж, хэрэглэгчдийн тоог нэмэгдүүлнэ.

5.1.11.Нутгийн захиргааны байгууллагын албан хэрэг хөтлөлтийг цахимжуулж, мэдээллийн аюулгүй байдлыг ханган хяналт, хариуцлагын тогтолцоог сайжруулна.

5.1.12.Сонгинохайрхан дүүргийн Улсын бүртгэл, архивын хэлтсийн байр барьж, “Салбар архив” байгуулах ажлыг эхлүүлнэ.

5.1.13.Салбар архивд хадгалагдаж буй цаасан суурьт баримтыг цахим хэлбэрт шилжүүлж иргэн, хуулийн этгээдэд үзүүлэх архивын үйлчилгээний хүртээмжийг нэмэгдүүлнэ.

5.1.14.Толгойт бүсийн иргэдэд Улсын бүртгэлийн үйл ажиллагааны хүртээмжийг нэмэгдүүлнэ.

5.1.15.Зорилтот бүлгийн иргэдийг бичиг баримтжуулах ажлыг зохион байгуулна.

5.1.16.Гадаад болон дотоод хамтын ажиллагааг өргөжүүлнэ.

5.2.Батлан хамгаалах хууль, тогтоомжийг орон нутагт сурталчлах, хэрэгжилтийг хангах ажлыг зохион байгуулж, биелэлтэд хяналт тавин, иргэдэд төрийн батлан хамгаалах үйлчилгээг хүртээмжтэй хүргэнэ.

5.2.1.Батлан хамгаалах, Дайчилгааны тухай, Орон нутгийн хамгаалалтын тухай хууль тогтоомжийг сурталчлах, хэрэгжүүлэх, иргэн, хуулийн этгээдийн үүргийн биелэлтэд хяналт, шалгалт хийнэ.

5.2.2.Монгол Улсын Үндсэн хуулиар хүлээсэн иргэний цэргийн алба хаах үүргийн биелэлтийг хангуулах, дайчилгааны болон томилгоот нэгжийн сургалт, дадлагын ажлыг зохион байгуулж, нөөцийн чадавхыг нэмэгдүүлнэ.

5.2.3.Цэргийн насны иргэдийн эрүүл мэндийг сайжруулах төсөл хэрэгжүүлнэ.

5.3.Иргэдийн аюулгүй амар тайван амьдрах нөхцөлийг сайжруулж, мэргэжлийн байгууллага, албан хаагчдын чадавхыг бэхжүүлж, үйл ажиллагааны хүртээмжийг нэмэгдүүлнэ.

5.3.1.Гэмт хэрэг, зөрчлөөс урьдчилан сэргийлэх ажил, арга хэмжээ зохион байгуулж, гудамж, зам талбай, гэмт хэргийн эмзэг цэгийг хянах “Камерын хяналтын дэд төв”-ийг ашиглалтад оруулж, камерын хяналт бүхий “Ногоон бүс” байгуулах ажлыг үе шаттай хэрэгжүүлнэ.

5.3.2.Замын хөдөлгөөний аюулгүй байдлын эсрэг гэмт хэрэг, зөрчлөөс урьдчилан сэргийлэх, авто замын ачааллыг бууруулахад чиглэсэн хөдөлгөөн зохицуулалтын арга хэмжээ авч ажиллана.

5.3.3.Дүүргийн 21, 40 дүгээр хороонд гал түймэр унтраах, аврах анги байгуулах ажлыг үргэлжлүүлнэ.

5.3.4.Гамшгаас хамгаалах, урьдчилан сэргийлэх сургалт, мэдээллийн хүртээмжийг нэмэгдүүлж, Онцгой байдлын байгууллагын бие бүрэлдэхүүний үүрэг гүйцэтгэх чадавхыг сайжруулна.

5.3.5.Хууль, хяналтын байгууллагын байр, барилга байгууламжийн засвар үйлчилгээ, алба хаагчдын ажиллах орчин нөхцөлийг сайжруулах, техник, тоног төхөөрөмж, тусгай хэрэгслээр хангахад дэмжлэг үзүүлэх ажлыг зохион байгуулна.

5.3.6.Мэргэжлийн байгууллагуудтай хамтран иргэд, олон нийт, албан хаагчдын эрх зүйн боловсролыг дээшлүүлэх сургалт, нөлөөллийн үйл ажиллагааг үе шаттай зохион байгуулж, тэдний оролцоог нэмэгдүүлнэ.

--oOo--